



# სახალხო ბაზუქი

სურათებიანი ჟამბუქი

ბაზუქის № 1046

ლაგაბის № 184

კვირა, 17 ნოემბერი 1913 წ.

## რომანტიული თავგადასავალი ვახტანგ დევრიანისა

(შემდეგი \*)

რადგან ვახტანგ დევრიანი პროფესიით ჟურნალისტი იყო და არა ექიმი, ის თავის თავს უძღოდა სთვლიდა დედაკაცის ჰისტერიის წინააღმდეგ და ამიტომ არჩია იმ დღიდან სრულიად შეეწყვიტა ელენესთან სიარული. ამასგარდა ამ ბოლო დროს დიდად დაინტერესებული იყო მუნიციპალიტეტში აღმოჩენილი ბოროტ-მოქმედებებით და აღარ სცალოდა სადარბაზოდ.

ერთი კვირის შემდეგ, როცა მარიამობისთვის ერთს სიცხიანს დილას რედაქციაში იჯდა და ქალაქის სასალახოს შესახებ შენიშნავს სწერდა, პატარა, ნაცრისფერ კონვერტით წერილი გადასცეს. მისამართს დახედა და გული შეუტოკდა: ექვი არ იყო წერილი ელენეს გამოგზავნილი იყო. დაწყებული საგაზეთო სტატია გვერდით გადასდო, ქუდი დაიხურა გარედ გამოვიდა. ალექსანდრეს ბაღში განმარტოებულს სკამზე ჩამოჯდა და კონვერტი გახსნა.


წერილის წაკითხვამ კმაყოფილების ღიმილი მოჰგვარა. ამ მსხვილი, უსწორ-მასწორი ანბნების იქით დაინახა ელენეს სული, როგორც იყო სინამდვილეში, რწმენის და ილუზიის მოწყურებული.

ქალი სწერდა, რომ მის საძებნად უნდოდა წამოსვლა, მაგრამ ვერ შესძლო, რადგან თავს სუსტად გრძობს და გარედ ვერ გამოდის. ავად არის, მაგრამ ფიზიკურს ავადმყოფობას როგორც იქნება გაუმკლავდება. აუტანელია მხოლოდ საშინელი ექვები, საშინელი ბნელეთი ურწმუნოებისა, მისი სული რომ მოიკო. ის მას არ სთხოვს არც გმირობას, არც თავგანწირულებას: ელის მხოლოდ რომ ის მას მოველინება წინანდელი სახით, რომელიც ასე ძვირფასი იყო მისთვის, დაანახებებს, რომ ის არა სცდებოდა, რომ რაც იყო, იყო არა სიყალბე, არამედ ქვემარტება. ახსენებდა აგრედვე მის ოქროსფერ ოცნებებს საერთო ბედნიერების შესახებ და ბოლოს თავისი დიდი სიყვარულის სახელით აფიკებდა მას ნულარ დასტანჯავს მეტი ლოდინით, მივიდეს მასთან და ძლიერი ხელი გაუწოდოს სუსტს ქალს, უფსკრულის კიდევ რომ სდგას უმწეოდ, უმიგობროდ.

ვახტანგმა ბარათი ხელმოკრედ გადაიკითხა. შემდეგ ჩაფიქრდა. ხუთიოდე წუთის განმავლობაში, ბევრად უფრო ადრე ვიდრე თვით მოელოდა, პასუხი უკვე მზად იყო. რედაქციაში შევიდა და დიდი ფორმატის ქალაღი გადმოიღო. შემდეგ დასწერა წერილი, რომელსაც თავის ლიტერატურულ შედეგად სთვლიდა.


\*) იხ. სურათებიანი ჟამბუქი № 188.

უწინარეს ყოვლისა გამოასტკვა ვაკვირება იმის გამო, რომ ელენეს ექვი შეაქვს მის სულიერ განცდათა ქვემარტებაში. ოჰ, მისი ზრახვანი ყოველთვის წრფელი იყვნენ, ეს მას შეუძლიან სთქვას თავისი დევრიანის წინაშე. მაგრამ სწორედ მიტომ, რომ ყველაზე მალა ამ ქვეყანაზე გულწრფელობას აფასებს, ეხლა თამაშად აღიარებს, რომ მწარედ მოსტყუვდა თავის საუკეთესო გრძობებში. ის მიილტვოდა სიყვარულისკენ როგორც ბავშვი პეპელასაკენ, როგორც ფარვანა სინათლისაკენ. და თავის ბრმა, უკანდაუხედავ ლტოლვაში ფრთები დაიწვა იმ ხელოვნურს ქრატზე, ადამიანები რომ სიყვარულს უწოდებენ. მას ეს ღვთაებრივი გრძობა წარმოადგენილი ჰქონდა როგორც შეუღლება ორის სულისა, რომელიც დასაბამიდან ერთიმეორესკენ მიილტვიან. დაახლოვებით ისე როგორც ეს განმარტა ბრძენმა პლატონმა. მაგრამ რა? ტლანქმა სინამდვილემ შეუბრალებლად გაჰფანტა მისი ფერადი ოცნებები, შეჰბოქა მისი ყმაწვილოური აღმაფრენა და წინ დაუყენა ფილისტერული პრობლემა დაქორწინებისა. რა საშინელი დაცინვა, რა საშინელი ირონია! მაგრამ არა: ვახტანგ დევრიანი, როგორც ოცნების ადამიანი ქედს ვერ მოიხრის ყოველ-დღიური, უფერულ სინამდვილის წინაშე. ელენე უნდა შეურვიდეს იმ აზრს, რომ მას არ შეუძლიან ჯვარის დაწერა, ჯერჯერობით მაინც. ბურჟუაზიული ოჯახი და კეთილდღეობა, რომელსაც ასე შეჰნატრის ყოველი გასათხოვარი ქალი, მძიმე ბორკილებს დაადებს მის ნორჩს ნიქსს, სწორედ



ნიკოლოზ ნიკოლოზის ძე დურნაგო.

ეხლა რომ იზღებდა და იფურჩქნებდა. მართალია ის ოცნებობდა, ოცნებობდა გულუბრყვილოდ, მაგრამ ალბად თვითონ ელენეც კარგად გაიხსენებს, რომ იმ ოცნებაში არაფერი თქმულა დაქორწინების შესახებ. ის უფრო იდეურ ნათესაობას გულისხმობდა. მიუხედავად ყოველი ზემოთქმულისა, ის მზად არის დაბრუნდეს ელენესთან და ხელ-ახლა მიანიჭოს სიყვარულის ბედნიერება, მაგრამ არა ეხლავე, არამედ ორიოდე თვის შემდეგ, როცა ის სისრულეში მოიყვანს მის რჩევას, რომელმაც პირველად ასე უსაფუძვლოდ ააშფოთა. პირადათ მას კარგად ესმის ასეთი აღელვება: ის, როგორც ქართველი, ჩაფლულია ტრადიციულს მსოფლიო მხედველობაში და ვერ განთავისუფლებულა ეროვნული ცრუმორწმუნოებებისაგან; სიყვარული მისთვის საშუალებაა და არა თვით მიზანი. შეიძლება ასეთი შეხედულება მართლაც და საკეთილდღეო იყოს ბრბოსათვის, რომელიც მოდგმის შესანახავად არის გაჩენილი, მაგრამ ელენემ არ უნდა დაივიწყოს, რომ შემომქმედი პიროვნება ვერ დაეჭვმდებარება უსახელო მასის კანონს. მგოსანი ბედნიერს გამონაკლისს შეადგენს და მისთვის არ არსებობს სხვა საზომი, გარდა მისი ნიქისა და სურვილისა. სხვათა შორის, ამიტომ არის, რომ პირადად ის ასეთს მარტოობას განიც-



ალბანეთის მომავალი მეფე პრინც ვილჰელმ ვიდი, მისი მეუღლე პრინცესა სოფია შენზურგ-ვალდენბურგის ასული და მათი ქალი პრინცესა მარიამ-ელენორა.

დიდა ყოველთვის და ეხლაც სულიერს ობლობას უფრო მწვავედ გრძობს, ვიდრე ოდესმე...

წერა გაათავა და შეჩერდა: არ იცოდა როგორ მოეწერა ქვეშ. თავისი სახელი, პროზაულად მიაჩნდა ასეთი დამთავრებულ ნაწარმოებისათვის, ბოლოს აირჩია ისტორიული გმირის სახელი, რომელიც ყოველთვის იზიდავდა, თუმცა თითქმის სრულიად უცნობი იყო მისთვის: ივლიანე განდგომილი.

\*\*\*

ელენემ წერილი მხოლოდ მეორე დღეს მიიღო რადამებისას. დილით, როცა ფოსტა იონს მოეტანა, სძინებოდა. შემდეგ კი დიასახლისის დავიწყებოდა გადაცემა.

ხელები და ფეხები თითქო მოწყვეტილი ჰქონდა, თავი უმძიმდა ტყვიასავით, მაგრამ მაინც ზეზე წამოდგა, ფანჯარასთან დაჯდა და წერილი გადაიკითხა. დიდხანს ვერაფერი გაიგო ზეიმბეტი მღელვარების გამო. შემდეგ როგორც იყო დაწერილის შინაარსს ჩასწვდა და გაოცებისაგან სახტაუ დაჩა. სინამდვილემ გადააქარბა ყველა მის გეგმას და შიშს, მან პირველიად თვალის თვალ დაინახა ადამიანური სიმდაბლე ურცხვად გატიტვლებული. აუტანელი სიმწარისაგან ხელების მტვრევა დაიწყო, დამაბნელებელი კრემლები აღარ ასვენებდნენ მის თვალებს. მან გამოიტირა არა მარტო თავისი დაღუპული ყმაწვილქალობა, არამედ უდიდესი რწმენაც, ურომლისოდ ცხოვრება შეუძლებელია, — რწმენა ადამიანისადმი.

შემდეგ მთელი მისი არსება ზიზმა მოიცო: შეეზიზა თავისი თავი უფრო ვიდრე სხვა.

— ღმერთო ჩემო რა დამცირებაა, რა საშინელი დამცირება! — ჰფიქრობდა ის.

ბოლოს გადაწყვიტა რაიმე პასუხი მაინც გაეცა თავის შეურაცმყოფელისათვის, წასულიყო და სახეში მიეხალა მისი წერილი. საჩქაროდ ტანთ ჩაიცვა, წერილი მუქაში მოკუმშა და გარედ გავიდა. დევრიანის ბინის მისამართი იცოდა და პირველად იქით გაემართა. როცა ტრამვაისთან მივიდა, შეამჩნია რომ ფულის ქისა დავიწყებოდა და კუკიამდე ფეხით მოუხდა სიარული. კიბეზე ძლივს-ძლივობით ავიდა. ტალანის კარებთან დიდხანს იდგა გაშეშებული. იმდენი ძალა აღარ შესწევდა, რომ ზარი დაერეკა. გული ბუდიდან გამოხტომას უბირებდა, უხლები ეკვეცებოდა, გგონა რომ მოახლოვდა მისი აღსასრული. ბოლოს თეთრს ფოლაქს თითი მიაქდო და სუნთქვა შეაჩერა. გაისმა ზარის ხანგრძლივი წკრიალი, რომელმაც მთელს სხეულში დაუარა... გავიდა ერთი წუთი, მეორე, მესამე... თავისუფლად ამოისუნთქა და მეორეჯერ დარეკა. სახლში სიჩუმე იდგა, სჩანდა შინ არავინ იყო.

ქვევით დაეშვა და ქუჩაში ცოტა ხნით შეჩერდა. შემდეგ პირი რედაქციისაკენ იბრუნა. კანტორის კარი ოდნავ ღია იყო. დაუფიქრებლად შეაღო და შევიდა. პირველ ოთახში მაგიდას თავმოპარსული, გრძელ წვერიანი და გრძელყურებიანი მამაკაცი უჯდა და ლამპის სინათლეზე რაღაცას ასწორებდა. ელენემ სალამი მისცა. უცნობმა რაღაც წაილულულა თავაუღებლად. ქალი მიუახლოვდა და ვახტანგ დევრიანი იკითხა. ჟურნალისტმა თავი ასწია, პაწია თავვისებური თვალებით ახლად მოსული თავიდან-ფეხებამდე გაზომა და უბა-

სუხა, რომ ხსენებული პირი დღეს დილით ბორჯომის ხეობაში საკენ გაემგზავრა დასასვენებლად. სახელობ, სადაც მან იცოდა. შემდეგ თავისი ნიჩბის წვერიანი ნიკაპი მუშტზე დააყრდნო და ხელ-ახლა მაგიდას დააჯკერდა.

ქალი გამობრუნდა გამოუმშვიდობებლად. უკვე სრულიად ბნელოდა. როცა თავის გზოში შევიდა შეამჩნია, რომ იქ არავინ იყო. ღონე-მიღეულმა გკლის ხეს მიეყრდნო. მუხლები იმდენად დასუსტებული ჰქონდა, რომ ჯერ ძალაუწებურად ჩაჯდა, ბოლოს კი პირდაღმა მიწაზე გაიშლართა. მას ეგონა, რომ დედამიწა მაინც შეიბრალებდა მის დაქანცულ ასობს და მშვიდობას მიანიჭებდა მათ. მაგრამ ტფილისის მწირმა ნიადაგმა მას მკერდი არ გაუღო.

და აი ეხლა ამ დიდს და აუტანელს უბედურებაში უცებ გაახსენდა, რომ მას აქვს სამშობლო კუთხე, სადაც შეუძლიან თავი შეაფაროს და სხეული დაიამოს. ჰყავს დედა, ძმა და ნათესაობა. გაახსენდა სოფელი, სადაც ბავშვობის უზრუნველი დღეები გაატარა, თავისი მყუდრო ოჯახი და გულმა ცოტაოდენი შეგება იგრძნო. ადგა და ოთახში შევიდა. იქ სიბნელემდუმარედ მიეცა წარსულ დროზე ოცნებობას...

... დაინახა თავისი უფროსი ძმა, რომელიც პაწია ელიკოსთან ერთად ჩიტებს დასდევს და ათასგვარ ხერხს იგონებს მათ დასაქერად. ყოველ მის გამარჯვებას ელიკო აღტაცებული ტაშის კვრით აჯილდოებს; მაგრამ სჩანს ძმა ასეთ პლატონიურ თავყვანისცემას დიდათ არ აფასებს და მას მხოლოდ ერთს ჩიტს აძლევს: პაწია, გულყვითელა ბარტყს.


ელიკო უზომოდ ბედნიერია. აღარ იცის როგორ სცეს პატივი ამ ჩიტს. ლოგინზე აწვევს, სხვა და სხვა საქმელს სთავაზობს, სულს უბერავს, ხელში იჭერს, გულზე მაგრად იხუტებს, რაც ძალი და ღონე შესწევს. ფრინველი კვდება. ელიკო უზომოდ უბედურია. ის მარხავს თავის პირველი სიყვარულის საგანს შესაფერი წესრიგით. ძმა აქნევს საცეცხლურივით და შესანდობელს ჰკითხულობს. შემდეგ მგლოვიარედ დას ანუგეშებს, როგორც მიღებულისა.

აი ჩქარა ქრისტეს შობის დღესასწაულიც მოდის. ელენეს ჩვეულებრივზე ადრე ეღვიძება და ფანჯარაში იცქირება. ოჰ, დედა ჩემო, რამოდენა თოვლი დაუყრია! მურია-ძაღლი დახტის და თეთრ სუდარა გადაფარებულს ჯირკს შორიდან უყევს. ხეებს ტოტები დაუხრია, ეზო სრულიად გადათეთრებულია, მხოლოდ ცოტა მოშორებით, თეთრად შელესალი ღობების გასწვრივ მოშავო ზოლი მისდევს: ეს პატარა მდინარეა. ოთახში კი ჯერ კიდევ ბნელა. კუთხეში მამა სდგას, ოდნავ თავდახრილი. ხელში დიდი, მუქი ტყავიანი წიგნი უჭირავს. კედელზე კი თაფლის სანთელია მიწებებული. ლოცულობს. ბუხართან დიდება ზის და წინა დღით გამომცხვარ ხაქაპურებს ათბობს.

შობას ჩქარა ახალი წელიწადი მოსდევს, ახალს წელს — აღდგომა. დიდება ეუბნება, რომ ამ ბედნიერ დღეს მზეც კი დღესასწაულობს და დილას სიხარულის გამოსახატავად ცაზე ჰხტის. მას ღრმად სჯერა დიდების სიტყვა. აკვირდება ამო-



ექვსი წლიან ლობტარა ვალდი ფერერო, რომელმაც უკვე საკვეყნოდ გაითქვა სახელი თავისი სიმფონიური კონცერტებით.



ადმინისტრაციის მიერ დახურული ხარკვის საექიმო საზოგადოების სახლი.

შავალს მზეს: ექვს გარეშეა, რომ ის მართლაც ჰბტის, ცეკვავეს.

წირვის დროს ელიკო ეკლესიის გალავანში დარბის და წითელს კვერცხებს ერთი მეორეს უკაკუნებს. მას არ მოსწონს, რომ წირვის შემდეგ კოცნას უპირებენ და ამიტომ სწორედ ამ დროს გატეხილი კვერცხის ქამას იწყებს. აბა, ეხლა კოცნა როგორღა შეუძლიან, როცა პირი გატენილი აქვს!

შინ კბილებ და ხელებ შედებილი ბრუნდება. ახალი ტანისამოსიც გაუსვრია. დიდდა სამზარეულო სახლში ძალით მიათრევს და საპნით ჰბანს. მეტის მეტად მოსაწყენი ამბავია.

სადილის დროს გოკის თავი შემოაქვთ. ელიკო ამ თავს აკვირდება და ამჩნევს, რომ შეწვის დროს ერთი თვალი დასებია; მეორე თვალი კი გაშტერებით იცქირება სივრცეში. ღმერთო ჩემო, ეს სიკვდილია, ჰფიქრობს ის, საშინელი ცალთვალა სიკვდილი.

შენდეგ მამა მძიმედ ავად ჰბდება. ელიკოს იმ ქალაქიდან იწვევენ, სადაც გიმნაზიაში სწავლობს. შიშით და კრძალვით შედის მამის საწოლს ოთახში და ავადმყოფის სახეს აცქერდება. ეს სახე მას სუსტად უღიმის. და ელიკო ამ უჩვეულს ღიმილში ჰხედავს სიკვდილს, ცალთვალა სიკვდილს. გულამოსკვნიტ სტირის. გარედ გაჰყავთ და ამშვიდებენ: არა უშავს რა, ჩქარა მორჩება!

ცოტა ხანში მამა კვდება... ელენე ოცნებიდან გამოერკვია, ცრემლიანი თვალები მოიწმინდა და ტანთ გაიხადა. შემდეგ დაიძინა ღრმად, უსიზმროდ, როგორც მცენარეებს სძინავთ.

მეორე დღეს დილიდანვე შეუდგა სამზადისს სოფელში წასასვლელად.

\* \*

ზაფხული უკვე მიწურული იყო, როცა ელენე თავის ოჯახს ესტუმრა. მისი ასე გვიან მოსვლა არავის გაჰკვირვებია. მან აუხსნა თავისიანებს, რომ ზაფხულში კერძო გაკვეთილები ჰქონდა და უხერხულად მიიჩნდა მათი მიტოვება. ეხლა კი მეტის მეტად დაქანცულია და ამიტომ თავის სკოლაში მოადგილე დასტოვა, რათა ჩაზამთრებამდე სოფლად დარჩეს და დაისვენოს.

ელენეს დედა უბრალო სოფლის დედაკაცი იყო და სხვა სოფლის დედაკაცებისაგან მხოლოდ არაჩვეულებრივი სიდიდით განიჩნეოდა. სწავლული ხალხის ავანჩავანი არ გაეგებოდა და ამიტომ გულუბრყვილოდ დაუჯერა თავის ქალს.


უფროსი ძმა, მეთათაქვე სამსონ შევარდნიძე კი მარქსისტი იყო და, როგორც ნამდვილს ქართველს მარქსისტს შეეფერება, მოჩვენებათა სფეროში სცხოვრებდა. ის უზომოდ იტანჯებოდა სამრეწველო პროლეტარიატის ტანჯვით და თავის ფანტაზიაში მედგრად ებრძოდა მსხვოს ბურჟუაზიას, რომელიც სინამდვილეში არასოდეს არ ენახა, მიტომ რომ ბათომსა და ქუთაისს არ გასცილებოდა. თავის გარშემო არსებულ ტანჯვასა და ბრძოლას კი ვერ ამჩნევდა. მისი დის წასვლას-მისვლას ქართული კაპიტალიზმის განვითარებისთვის

არავითარი მნიშვნელობა ჰქონდა და ამიტომ დიდს კლავს ღიბს არ აქცევდა ამ მოვლენას.

თუმცა სამსონი იდეურად ზედმიწევნით თანამედროვე ადამიანი იყო, მაგრამ გარეგნობით რამოდენიმედ ჩამოჰგავდა თავის ბიბლიურს სენიას. მას ჰქონდა ფართე ბეჭები, მოკლე კისერი და გრძელი შავი ფაფარი, რომელიც უცნაურს დის-ჰარმონიაში იმყოფებოდა მის კეთილს, ცხვარისებურ თვალებთან. ეს თვალები სიძულვილის ნაპერწკალით მხოლოდ მაშინ ენთებოდნენ, როცა მეთათაქვე ქართველი ნაციონალისტების შესახებ ჰფიქრობდა. თუმცა ქუთაისის ბაღში სეირნობის დროს მან შორიდან რამოდენიმეჯერ თვალი მოჰკრა ადამიანთა ამ მოდგმის ორიოდ წარმომადგენელს და კარგად იკოდა, რომ მათაც ჩვეულებრივი სახე, მიმოხვრა და ტანთსაცმელი ჰქონდათ, მაგრამ თავის ფანტაზიაში ქართველი ნაციონალისტები მას ყოველთვის იგზუიტურს ანაფორაში ჰყავდა წარმოდგენილი. ის ნათლად ჰხედავდა როგორ აპყრობენ ეს ფარისეველნი თვალებს ზეცისაკენ, როგორ იკრეფენ გულზე ხელებს, რა გაიძვეობასა და თვალმაქცობას ეწვეიან საბრალო ხალხის მოსატყუებლად და გასაყვლეფად და აღფრთოვანების წუთებში მზად იყო ებრაელთ სამსონივით ხელთ ვირის ყბა დაეჭირა და თავისი მღვდისებური მკლავების ძალით ერთიანად ამოეწყვიტა ეს თანამედროვე ფილისტიმელნი.

მას უყვარდა ხალხი გულწრფელი და უანგარო სიყვარულით. რეცეპტით მოსულს გლეხებს დიდ ხანს აკავებდა აფთიაქში, ჩოხის ღილზე ხელს სკიდებდა და იდეალისტური გატაცებით, თითქმის თვალ-ცრემლიანი, კაპიტალისტური საზოგადოების კალსთა წინააღმდეგობებს უხსნიდა. გლეხები ერთხანს ჩუმად შესცქეროდნენ ნაღვლიანი გაოცებით, შემდეგ მარტოდ მარტო დატოვებულს ავადმყოფს იმიზეზებდნენ და წამალი ნისიად მიჰქონდათ.

შემდეგ თაროდან ძირს იღებდა თავის სახარებას, კარლო მარქსის წითელ ყდიან კაპიტალს. ეს წიგნი მან იყიდა ათი წლის წინად, როცა პროგიმნაზიაში მეთათაქვის მოსწავლის ეგზამენს აბარებდა, მაგრამ მისი პირველი თავი აქამდე ისევე გაუგებარი იყო მისთვის, როგორც ასურელების ლურსმული წარწერა. ამის მიუხედავად, მაინც დიდის სიამოვნებით ჰკითხულობდა. ის განიცდიდა იმ გვარ გრძნობას, როგორსაც განიცდის მართლმორწმუნე ებრაელი, როცა ტალმუდის მისტიურს სიტყვებს ჰკითხულობს.



ს. ივალთოს ღვთაების ტაძარი.

ის ადგილი კომუნისტური მანიფესტისა, სადაც ავტორები უკან აბრუნებენ მათი პარტიის მიმართ ნასროლ ბრალდებას და ამტკიცებენ, რომ თვით თანამედროვე ბურჟუაზია ახდენს ცოლთა განსაზოგადოებრივობას, სამსონ შევარდნიძემ უკუღმართად გაიგო. მას ეგონა, რომ თვით კომუნისტები ითხოვენ ინდივიდუალურ სიყვარულზე დაყრდნობილი ოჯახის

მოსპობას. ასეთი მოთხოვნა სრულიად ეწინააღმდეგებოდა მის ბუნებას. მაგრამ მას სწამდა, სწამდა ბრძოლ, უკრიტიკოდ და თავიდან სდევნიდა ყოველ აზრს, რომელსაც მწველებლობის ელფერი ჰქონდა. ხშირად ზედმეტი სიქველის გამო მზად იყო მუხლებზე დაკრძალიყო სოციალ-დემოკრატთა მამამთავრის ხატის წინაშე, მის საწოლ ოთახში რომ ეკიდა, ან მოკრძალებით მოხვეოდა მის ბანჯგვლიანს სახესო.

ღის მოსვლამ, რასაკვირველია, არავითარი ცვლილება არ შეიტანა მის ყოველდღიურ ცხოვრების მიმდინარეობაში. ის ელენეს მხოლოდ ხან და ხან იწვევდა სააფთიაქო პატარა ოთახში და სოდისა, სიმკვარისა და მურაბისგან შეზავებული სასმელით უმასპინძლებოდა.

ქალს უკვირდა, რომ მას არ ეშინოდა ამდენ საშიშ საწამლავეებს შორის ყოფნა და ჰკითხავდა ხშირად მათი თვისებების შესახებ. მეაფთიაქე დაზგაზე ამწკრივებდა სხვა და სხვა ზომის და მოყვანილობის შუშებს და გულმოდგინედ უხსნიდა მათს გავლენას ადამიანის სხეულზე.

აი ციანკალი! გისაც თავის მოკვლა უნდა, უკეთეს ვერაფერს აირჩევს: არასოდეს არ უმტყუნებს და ძლიერ სწრაფადაც მოქმედებს. ორიოდვე წვეთი საკმაოა, რომ ყოველი ჯუჯის ნაციონალისტები ამოსწყვიტოს საქართველოში: ავტონომისტები, ფედერალისტები, სეპარატისტები. ამ მიზნისთვის კარგია აგრედვე ქისძაფი, დარიშხანა. რაც შეეხება კარბოლის სიმკვარეს, გულახდით უნდა აღიაროს, რომ პირადათ ის არავის ურჩევს ამ საწამლავეთ თავის მოკვლას: მიზნის მისაღწევად საჭიროა კარგა დიდი დოზა. ამას გარდა ადამიანს სუსტი გული უნდა ჰქონდეს, რომ ჩქარა გასჭრას. ყოველს შემთხვევაში ციანკალის ვერაფერი შეედრება. ეს ასე ვსთქვათ საწამლავეთა მეფეთა.

\*\*\*

ელენე ჩქარა დარწმუნდა, რომ თავის სოფელში ვერ იპოვნოდა იმას, რასაც ეძებდა: ადამიანს, რომელსაც შეეძლებოდა მისი გაგება, მისი ღრმა კრილობის დაშუშება. დედასა და მის შუა ხიდი კარგა ხანია ჩატეხილი იყო უაღბლო განათლების მიერ. ესლა რამოდენიმე დღის განმავლობაში არ შეიძლებოდა იმის ხელახლა აშენება, რაც ხანგრძლივი წლების მიმდინარეობამ დაანგრია. და ეს ორი არსება, ერთი სისხლისა და ერთი ხორცისაგან გაკეთებული, ჰგავდა ორ ადამიანს, რომელნიც ერთმეორესკენ მიიღობიან გადასახვევად, მაგრამ ჭიქის ცივს კედელს ეჯახებიან, მათ შორის რომ არის ამართული; შემდეგ უკან ბრუნდებიან და შორიდან ერთმანეთს უცქერიან სევდით და გაკვირვებით.

როცა დედა საღამოს ბაღიდან ან სამუშაოდან შინ ბრუნდებოდა, ელენე მუხლებთან უჯდებოდა და თავს კალთაში უდებდა. მაგრამ ამ დროს ერთი საქათმის სუნს გრძნობდა, მეორე ოდეკოლონისას, ეს სურნელებანი კი ასე ნაკლებ ეთანხმებიან ერთმანეთს. ქალიშვილი თავს ძალას ატანდა და სცდილობდა ყურადღებით მოესმინა, რასაც მშობელი ეუბნებოდა წრევანდელი მოსავლისა, ოჯახის ხარჯებისა, მოჯამავირე ბიქის ან საქონლის შესახებ, მაგრამ ჩქარა ამჩნევდა, რომ ფანტაზია ძლიერ შორს დაჰფრინავს ამ საგნებიდან. თვით მათი ენა გაუგებარი იყო ერთმანეთისთვის. ელენეს ეჩოთირებოდა დედის პროვინციული სიტყვები, მოუხეშავი სოფლური გამოთქმანი, დედას კი ხშირად არ ესმოდა შვილის უცნაური ლაპარაკი, უცხო სიტყვებით აქრელებული... შემდეგ ერთი იძინებდა ღრმა შეუშფოთებელი ძილით, მეორე კი ეზოში ლოდზე ჯდებოდა ვაშლის ხის ქვეშ და იტანჯებოდა, როგორც ქრისტე გეთსემანიის ბაღში.

ქალი ჰხედავდა, რომ ესლა ძმაც თითქმის სრულიად უცხო იყო მისთვის. თუმცა როგორც ყოველი ადამიანი, ისე ესენიც ბავშვობის დროს ბევრად უფრო დიდი ეგოისტები იყვნენ, მაგრამ იმ ორ პაწია გაუმძღარ ეგოისტს მეტი გაეგებოდა ერთმანეთისა, ვიდრე ამ ორ დიდს, კეთილი გულის ადამიანს. ეს გარემოება არ აიხსნებოდა მსოფლიო მხედველობის სხვა და სხვაობით. ელენეს არავითარი გარკვეული მსოფლიო მხედველობა არ ჰქონდა და ძმის რწმენა თუ რელიგია არავითარ დაბრკოლებას არ წარმოადგენდა მისთვის. მაგრამ საქმე ის იყო,

რომ მას უკვე ნაგებები ჰქონდა ცხოვრების მწველი საძალო, ძმა კი იმ ამაღლებულს სფეროებში დაჰქროდა, სადაც ვერ უწევს ძახილი სინამდვილისა.

მაგრამ სამშობლოში იყო ერთი რაღაც, რამაც სიყვარულით მკერდი გაუხსნა ელენეს და ტკბილს ძუძუებზე მიხუტა მისი ნადვლიანი, გახურებული თავი. ეს იყო სოფლის ნაყოფიერი, ხელუხლებელი, წარმტაცი ბუნება. ქალი აქამდე არასოდეს დაჰკვირვებია მას. ის ატარებდა მის კალთებში რამოდენიმე თვის დაუფიქრებლად, უზრუნველად, ნელის დიდებით როგორც მწყემსი მთის ფერდობზე. მაგრამ ესლა მწუხარებამ და კაეზანმა ასწავლა მისი მშვენიერების დანახვა. და აი მისი თვალების წინ გურიის ბუნება თან და თან გაიზარდა მიუწლომელ სიღიადმდე.

გათენებისას ძილში ესმოდა ჩიტების ჭრიაშული და მდინარის ჩხრიალი. ფანჯარას აღებდა და გარედ იცქირებოდა. შემოდგომის მზის სხივები ნახად ჰკოცნიდნენ მის წამწამებს და ოქროსფერ გვირგვინს ახვევდნენ მის წაბლისფერ თმას. და მისი თვალები ჰხატავდნენ გაკვირვებას და აღტაცებას, როგორც ზეციდან ჩამოვარდნილი ბავშვი, რომელმაც ღმერთის ქმნილება პირველად დაინახა.

მთის კამკამი რუ გზოს გვერდით ჩამოურბოდა ხტომითა და უხუილით და პატარა წისქვილსა და წყლის ჩამურს ამოძრავებდა. მწვანე, გულყვითელა გვირილათი აქრელებული ველი, დაფარული იყო დილის ნამით, რომელიც ათასფრად ციმციმებდა და ბრწყვილებდა მზის სხივებზე. მსხალის, ვაშლის და ატამის ხეები ჩუმად იდგნენ თავდახრილი და მხოლოდ ხან და ხან ძირს ჩამოვარდნილი მწიფე ნაყოფის ხმა მოწმობდა, რომ მათს ტანში შეუჩერებლივ მოძრაობდა მაცოცხლებელი წვენი. წყლის გაღმა ბაღია მოსჩადა ხშირი თხილნარით შემოზღულული, ბოლის, წყავის და ლეღვის ხეებით დაჩრდილული, კვებით, ნესვით და საზამთროით დაფენილი. შემდეგ თვალი შორს მისდევდა ვენახის ხეებიან სათივებებსა და ოღნავ შეყვითლებულ ყანებს და აწყდებოდა აქარა-გურიის მთების დიადს ლურჯს კედელთან. მისი უზარმაზარი კალთა და გმირი მკერდი დაბურული იყო თხემლარითა, წიფნარითა და ნაძვნარით, ამაყი თავი კი თავისუფლად შეჰყურებდა ცის მნათობებს. ხოლო ყველაზე მაღლა ამ ლურჯს მდევზე იჯდა საყოარნია თავისი მოვერცხლული უნაგრიოთ.

ელენე ეზოში ჩადიოდა, ტანთ იხდიდა და ეშვებოდა წყლის აქაფებულს მორევში, ჩამურის ქვევით რომ ტრიალებდა. შემდეგ თეთრს კენჭებზე ჯდებოდა და დიდხანს უგდებდა ყურს მდინარის ჩხრიალისა, თხილნარის შრიალისა, წისქვილის ხრიალისა და ფრინველების ჭიკჭიკის მიერ შექმნილ სიმფონიას.

სადილის შემდეგ, სადმე სათივეში ბაღის გვერდით პირაღმა წვებოდა. მისი თვალები იკარგებოდნენ ლურჯი გუმბათის სივრცეში. ამ უსაზღვრო გუმბათზე ხან თეთრი რაშები მიმოვიდოდნენ, ხან იალქნიანი ხომალდები დასცურავდნენ, ხან კი უხილავი ანგელოსნი მტრედისფერ გამჭვირვალე ფრთებს შლიდნენ. ელენე იცნოხვიდა გამხმარი თივის, დამწიფებული ყურძნის და ნესვის სურნელებს, ყურს უგდებდა კალიათა ხტუნაობას და ჰიანქველათა ფუსფუსს და სტკბებოდა შემოდგომის დღის იმ გამოუთქმელი სიწყნარით და დუმილით, როცა ადამიანს ანგელოსთა კოცნა ესმის. ამ წუთებში მას ეგონა, რომ დროთა მსვლელობა შესწყდა, მზე ცაზე შეჩერდა და აღარ არის არც წარსული, არც მომავალი, არც ტანჯვა, არც შიში.

(დასასრული იქნება).

გერონტი ქიქოძე.

